

njálgur	streptókokkahálsbólga
psittacosis	toxóplasmasyking
ristill (herpes zoster)	þvagrásarbólga af óþekkttri orsök
skarlatssótt	

4. gr.

5. gr. orðast svo:

5. gr.

Tilkynningaskyldir sjúkdómar.

Tilkynningaskyldir sjúkdómar eru:

barnaveiki	lifrabólga A
berklar	lifrabólga B
bótúlismi	lifrabólga C
Creutzfeldt Jacob veiki og afbrigði hennar	lifrabólga E
enterohemorrhagisk E. coli sýking	lifrabólga vegna annarra veira
giardiasis	linsæri
gulusótt	listeríusýking
hettusótt	lömunarveiki
HIV-sýking	meningókokkasjúkdómur
holdsveiki	miltisbrandur
hundæði	mislingar
kampýlóbakttersýking	rauðir hundar
kíghósti	salmonellusýking
klamydíusýking	sárasótt
kólera	sígellusýking
legíónellusýking	stífkrampi
lekandi	svarti dauði

5. gr.

Reglugerð þessi, sem sett er með stoð í 18. gr., sbr. 3. gr., sóttvarnalaga nr. 19/1997, með síðari breytingu, öðlast þegar gildi.

*Heilbrigðis- og tryggingamálaráðuneytinu, 9. mars 2001.***Ingibjörg Pálmadóttir.***Davíð Á. Gunnarsson.*

14. mars 2001

Nr. 223

REGLUGERÐ

um landamærastöðvar og tilkynningarskyldu flytjenda.

1. gr.

Þegar farið er um ytri landamæri Schengen-svæðisins skal koma til landsins og för úr landi fara fram á þeim landamærastöðvum og afgreiðslutímum sem um getur í 2. gr.

Með för skipa yfir ytri landamæri Schengen-svæðisins er átt við alla umferð skipa til og frá landinu. Þetta gildir þó ekki um:

- a. íslensk fiskiskip sem hvorki hafa haft viðkomu í erlendri höfn né lagst að skipi á hafi úti og áhöfn eða farþegar komið eða farið frá borði,

- b. farþegaferjur með síðasta viðkomustað innan Schengen-svæðisins,
- c. skemmtiferðaskip með síðasta viðkomustað innan Schengen-svæðisins eða ef næsti viðkomustaður þess er ríki sem tekur þátt í Schengen-samstarfinu.

Með för loftfara yfir ytri landamæri Schengen-svæðisins er átt við alla flugumferð til og frá landinu frá yfirráðasvæði ríkis sem ekki tekur þátt í Schengen-samstarfinu.

Þegar sérstaklega stendur á má með leyfi hlutaðeigandi lögreglustjóra fara um ytri landamæri utan landamærastöðva og afgreiðslutíma þeirra.

2. gr.

Flugvellir á eftirtöldum stöðum eru landamærastöðvar: 1. Reykjavík, 2. Akureyri, 3. Egilsstaðir, 4. Höfn, 5. Keflavík.

Hafnir á eftirtöldum stöðum eru landamærastöðvar: 1. Reykjavík, 2. Grundartangi, 3. Akranes, 4. Grundarfjörður, 5. Patreksfjörður, 6. Bolungarvík, 7. Ísafjörður, 8. Skagaströnd, 9. Sauðárkrókur, 10. Siglufjörður, 11. Akureyri, 12. Húsavík, 13. Raufarhöfn, 14. Þórshöfn, 15. Vopnafjörður, 16. Seyðisfjörður, 17. Fjarðarbyggð, 18. Fáskrúðsfjörður, 19. Höfn, 20. Vestmannaeyjar, 21. Þorlákshöfn, 22. Grindavík, 23. Sandgerði, 24. Reykjanesbær, 25. Hafnarfjörður.

Afgreiðslutími á Keflavíkurflugvelli er allan sólarhringinn en á öðrum landamærastöðvum fer afgreiðslutími eftir beiðni.

3. gr.

Stjórnandi skips á leið til landsins yfir ytri landamæri skal tilkynna Landhelgisgæslu Íslands um komu minnst 12 klst. áður en sigl er inn í landhelgina. Á sama tíma skal einnig tilkynna áætlaða brottför. Staðfestingu á brottför úr höfn skal tilkynna Landhelgisgæslunni a.m.k. 6 klst. fyrir brottför.

Í tilkynningu skulu koma fram eftirfarandi upplýsingar um skip í þessari röð:

- a. nafn,
- b. einkennisstafir,
- c. radíókallmerki,
- d. þjóðerni,
- e. tegund,
- f. dagsetning,
- g. tími,
- h. staðsetning,
- i. áætlaður komutími,
- j. áætlaður brottfarartími.

Með tilkynningu skal fylgja skrá yfir áhöfn og farþega skips. Í skránni skulu koma fram eftirfarandi upplýsingar um áhöfn og farþega í þessari röð:

- a. þjóðerni,
- b. kenninafn,
- c. eiginnafn,
- d. fæðingardagur,
- e. kyn,
- f. númer vegabréfs eða sjóferðabókar,
- g. staða áhafnarmedlims.

Heimilt er að senda Landhelgisgæslunni skrá yfir áhöfn og farþega skips fyrir milligöngu skipafélags eða miðlara en skipstjóri ber ábyrgð á að skránni sé skilað. Allar breytingar á skipan áhafnar eða farþega ber tafarlaust að tilkynna Landhelgisgæslunni.

Með heimild hlutaðeigandi lögreglustjóra má víkja frá ákvæðum greinar þessarar.

4. gr.

Tafarlaust ber að tilkynna lögreglu um laumufarþega í skipi og áður en komið er til hafnar ef unnt er.

5. gr.

Landhelgisgæslan tekur við tilkynningum og skráum yfir áhöfn og farþega skv. 3. gr. á raf-rænu formi. Senda skal á X-400 eða Immarsat C númeri Landhelgisgæslunnar. Sending upplýsinga með símbréfi eða upplestri um talstöð er einungis heimil þegar fáir eru um borð og ekki er unnt að senda gögn með rafrænum hætti.

6. gr.

Landhelgisgæslan skal staðfesta móttöku upplýsinga skv. 3. gr. Landhelgisgæslan skal framsenda upplýsingarnar til ríkislögreglustjóra sem staðfesta skal móttöku þeirra.

Að lokinni athugun í Schengen-upplýsingakerfinu skal ríkislögreglustjóri senda niðurstöður þeirrar athugunar til hlutaðeigandi lögreglustjóra.

Dómsmálaráðherra setur nánari verklagsreglur um samstarf Landhelgisgæslu, ríkislögreglustjóra og lögreglustjóra um persónueftirlit í höfnum.

7. gr.

Reglugerð þessi, sem sett er samkvæmt heimild í 2. og 3. mgr. 2. gr. og 4. mgr. 3. gr. laga um eftirlit með útlendingum, nr. 45 12. maí 1965, sbr. lög nr. 25 9. maí 2000, öðlast gildi 25. mars 2001.

Jafnframt fellur úr gildi auglýsing um komu- og brottfararstaði, nr. 276 18. júní 1987.

Dóms- og kirkjumálaráðuneytinu, 14. mars 2001.

Sólveig Pétursdóttir.

Benedikt Bogason.

REGLUGERÐ

um breytingu á reglugerð nr. 391/1998, um skyldutryggingu lífeyrisréttinda og starfsemi lífeyrissjóða, sbr. reglugerð nr. 742/1998.

1. gr.

Við reglugerðina bætast 3 nýjar greinar sem verða 28., 29. og 30. gr. og falla undir V. kafla reglugerðarinnar.

a. (28. gr.)

Hlutverk lífeyrissjóða í innheimtu vangoldinna iðgjalda.

Lífeyrissjóðum ber að innheimta vangoldin iðgjöld vegna sjóðfélaga sinna á grundvelli upplýsinga frá ríkisskattstjóra samkvæmt 27. gr.

Þegar lífeyrissjóði hafa borist upplýsingar frá ríkisskattstjóra um vangoldin iðgjöld skal hann yfirfara þær og tilkynna ríkisskattstjóra, án ástæðulausrar tafar, um þá aðila sem sjóðnum er kunnugt um að eigi ekki aðild að sjóðnum.

Ef ríkisskattstjóri hefur ekki upplýsingar um sjóðsaðild þeirra einstaklinga sem lífeyrissjóðir tilkynna um samkvæmt 2. mgr., skal hann senda Söfnunarsjóði lífeyrisréttinda kröfurnar til innheimtu.